

7  
~~Ch. L. 5402.2/2902.83~~

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

T 5404 / 2902 B

JUN 28 1932

Blank page with faint vertical lines and ghosting of text from the reverse side.

Blank page with a vertical strip of lighter material on the right edge and two small brown stains near the center fold.

高季迪先生大全集卷之十二



五言律詩

草堂夜集

山家具雞黍。夜與故人期。暫喜逢歡會。都忘在亂離。  
火寒移坐密。燭盡得詩遲。莫聽高城角。明朝別又悲。

過胡博士郊居

胡善筮

頭白蘭陵客。幽居共一邨。老來吟力退。貧去告身存。  
夕吹鳴梨葉。秋泉注稻根。時因來問筮。獨叩樹間門。

送茅侯

常州武進縣古為  
蘭陵文武官皆給  
告身

欲知難別意。孤棹去還停。候吏分遙邇。離人雜醉醒。  
城臨秋水渡。樹帶夕陽亭。後夜看吟燭。憐君宿郡廳。

孤鴈

衡陽初失伴。歸路遠飛單。度隴將書怯。排空作陣難。  
呼羣雲外急。弔影月中殘。不共鳧鷖宿。蒹葭夜夜寒。

曉步園池

髮隨秋葉落。心共曉雲舒。稍改新題句。渾忘舊讀書。  
林爭移樹鳥。池響食萍魚。無限悠然意。涼天獨步餘。

次韻過建平縣

縣雖三戶小。地僻罷兵防。茶市逢山客。楓祠祭石郎。

宗石公弼知廣德縣  
有政績

雲埋鳴澗斧。沙膠度谿航。應愛青山好。經過駐旅裝。

鵲軒

金華朱少府。生時有鵲集於庭。後樹每歲生。

日輒一來其母將死。鵲悲鳴久之而去。因以

名軒。識其思母之意云。

神鵲曉鳴枝。飛來自有期。門前懸矢日。堂上捧樽時。  
詎信填河事。寧歌繞樹詩。只憐君望斷。風木助餘悲。

寄杜二進士

花開寄別離。花落正相思。交誼多年見。鄉愁近日知。  
我方淹上國。君豈老明時。試問江干閣。同登復共誰。

雨篷

楚雨滿汀洲。瀟瀟灑灑客舟。夢驚孤枕夜愁掩。一篷秋葦葉寒相戰。灘聲暗共流。此時湘浦上。同聽只沙鷗。

聽秋軒

西澗秋聲起。涼風助振號。數禽翻樹裏。萬葉下亭臯。初訝來山雨。還疑捲浪濤。老僧方入定。終夜任蕭騷。

杏花飛燕圖

雙飛如鬪捷。終日幾西東。尾拂花稍露。身翻柳絮風。入簾時趁蝶。歸壘每銜蟲。何處長相見。佳人院落中。

扇

皎皎復團團。何人剪素紈。驅螢臨几席。撲蝶近闌干。似月驚朝見。生風變夏寒。時移當日棄。莫怨網乘鸞。

新荷

如蓋復如鈿。初生雨後天。葉低浮水上。莖弱裊風前。乍覆遊魚戲。難藏宿鷺眠。佳人休便折。畱蔭採蓮船。

鷺

雪羽獨修修。閒情戀遠洲。聲沈煙浦晚。影度月灘秋。避棹驚時起。窺魚立未休。蒹葭同夜宿。應只許沙鷗。

馬

名駒產渥洼。牽出萬人誇。逸足輕千里。高鬣散五花。

沈休文雨夜獨坐有一女子携絡緯而入門贈沈曰此水絲也可為水紈後織成製扇日携在手不搖而自涼

城南遊紫陌。塞上踏黃沙。不受蠻奴策。驕嘶向日斜。

梧桐

井邊雙玉樹。高結自生涼。影散秋雲薄。聲喧夜雨長。疎英飄碧簟。亂葉響銀牀。綠綺誰能斲。持將奏鳳凰。

圍碁

偶與消閒客。圍碁向竹林。聲敲驚鶴夢。局罷轉桐陰。對坐忘言久。相攻運意深。此間元有樂。何用橘中尋。

池上晚酌

夕陽初雨過。團扇送涼過。竹裏方歸鳥。沙邊尚浴鷺。脫巾懸峭壁。流箏逐回波。六逸當年樂。何如此處多。

唐李白孔巢父韓暹裴政張叔明陶潛居徂徕山號竹溪六逸

簟

蠻藤巧織成。乍展覺涼生。紋感寒波細。光搖夜月明。坐令葵扇棄。眠稱石牀平。須信南軒下。炎天夢亦清。

射柳

射柳本古之澹柳折柳環掃球場上軍士馳馬射之其鏃甚濶射之即斲

風煖畫旗張。將軍集射場。馬驕嫌轡急。人勇喜弓強。但見青條折。那知白羽翔。三軍歡笑處。巧中勝穿楊。

流螢

熠燿復青熒。流光不自停。暗飛如避月。遠墮欲隨星。穿樹臨幽檻。緣莎集小庭。莫將羅扇撲。囊取照遺經。

水殿圖

吳王起姑蘇臺立春宵宮為長夜飲作天池池中作青龍舟日與西施為水嬉

囊螢晉車胤事

子青歸吳天玉潤將  
至治魚為繪過時不  
至魚其子青至吳天  
出鱗而食不知其臭

波影繞闌干。清虛似廣寒。荷香臨檻。挹月色捲簾看。  
夜靜聞清吹。涼多却素紈。冥酣思薦鱠。銀縷簇金盤。

新蟬

翩翩乍離脫。咽咽試初鳴。隔葉棲身穩。移柯忽意驚。  
亂催窗日墮。微喚浦風生。何待當秋聽。今朝已感情。

林間避暑

自愛蠻藤滑。閒舒卧石苔。松風催暑去。竹月送涼來。  
石氣生琴薦。泉香入茗杯。却憐行路子。愁喝向黃埃。

送劉省郎出佐邊郡

符券前軍重。衣冠上客才。地圖連異壤。星次出中台。

暮雨車投峽。秋風扇却埃。省中梧樹在。鳴鳳會重來。

湓浦琵琶圖

湓浦在九江府城西。又琵琶亭在城西大江濱。白居易送客湓浦。口夜聞鄰舟琵琶聲。問之乃長安娼女嫁于商人。為作琵琶行。後人因以名亭。

秋夜相逢處。閨愁雜宦情。四絃風共拂。兩棹月同明。  
司馬青衫溼。佳人白髮生。至今湓浦上。楓葉尚哀聲。

金人馬圖

名王愛遊獵。初試射鵬弓。白草秋原曠。黃沙晚塞空。  
琵琶應漢女。騾裹是胡驄。歸醉葡萄綠。穹廬在月中。

夜訪芭蟾二釋子因宿西澗聽琴

清夜獨幽尋。巖扉落葉深。許攜陶令酒。來聽穎師琴。  
人醉月沉閣。烏啼風滿林。應畱西澗水。千載寫餘音。

韓愈有聽穎師彈琴詩  
李賀有聽穎師彈琴歌

樟亭在錢塘今浙江歸其  
址也漢鄭和遠淮陰太  
守白鹿夾轂而行主簿  
黃國曰三公車轆西鹿  
府必為宰相凝香句以蘇  
州守章應物詩

錢塘送馬使君之吳中

樟亭離席散。遙發畫幡車。飛雉新阡麥。啼鶯故苑花。  
望山登郡閣。行水到田家。莫道凝香句。前人獨可誇。  
與劉將軍杜文學晚登西城

木落悲南國。城高見北辰。飄零猶有客。經濟豈無人。  
鳥過風生翼。龍歸雨在鱗。相期俱努力。天地正烽塵。  
和周山人見寄寒夜客懷之作

亂世難為客。流年易作翁。百憂尋歲暮。孤夢怯山空。  
門掩雲峰裏。燈明雪竹中。無因乘夜訪。相慰一尊同。

哭臨川公

身用已時危。衰殘况病欺。竟成黃犬歎。莫遂白鷗期。  
東閣圖書散。西園草露垂。無因奠江上。應負十年知。

一窗秋影

修竹與疎桐。秋陰接桂叢。竝生金井側。同映綺疏中。  
隱匿纔籠霧。交橫忽颭風。不須懷故館。月落并成空。  
早春侍皇太子遊東苑池上呈青坊諸公

銅輦出紆徐。春宮晝講餘。戟煩郎將衛。簡授大夫書。  
草長園鳴鹿。冰開沼躍魚。從遊伴商皓。忝竊愧何如。

題谿山小隱

何處谿山隱。衡門對野橋。晚風攜鶴子。春雨種魚苗。

銅輦太子車飾 梁王  
遊苑雨雪授簡 司  
馬大夫曰為寡人賦之



鬪茶以水痕先沒為負  
俟久為勝

朝日御史大夫領官屬  
至殿西廡從官朱衣  
傳呼從百官就班  
宋之尚待成奪東方  
科武后賜錦

太常寺宗廟禮儀  
後漢周澤卧病齋宮  
其事哀澤老病

小徑斜通竹疎籬曲護蕉人生閒自足不問楚辭招  
城西客舍送周著作砥

客中寒食後惆悵送君違花隱歸城旆風吹渡水衣  
夜窗炊黍散春苑鬪茶稀誰念西齋雨相思獨掩扉  
兵後出郭

俯仰興亡異青山落照中民歸鄰樹在兵去壘煙空  
城角猶悲奏江帆始遠通昔年荆棘露又滿闔閭宮

謝賜衣

臚呼遙捧賜服拜望蓬萊香帶爐煙下光迎扇月開  
奇紋天女織新樣內工裁被澤徒深厚慙無奪錦才

西清對雨

楚臺雲起遠漢苑雨來微曉溼宮城旆寒霑陛楯衣  
溝中隨葉墮爐畔帶煙飛坐詠西清暇君王召對稀

夜宿太廟齋宮

烏散廟堧空清香肅闕宮太常齋禁密列祖享儀崇  
井叩銅瓶月嬋鳴玉佩風聽鐘候車駕庭燎已燿燿

送秦主客遷侍儀使

唐書主客郎中員外各一人掌諸蕃朝見之事蕃客請宿  
衛者秦狀觀年函唐謂禮部郎中為中儀員外即為儀使

蕃客來曾識衣冠上國風承恩趨北闕罷直出南宮  
導駕爐煙裏催班漏點中時清多奏頌還向閤門通

春日退直呈禁署諸公

學士入署常視日影  
為候李程性懶日過  
八碑為乃至

待詔直東華。歸休每日斜。職連詞客苑。俸入酒胡家。  
檐網長縈絮。庭磚欲過花。知君未出院。應草侍中麻。

送張司勳赴寶慶同知

乍出司勳幘。還乘別駕車。按圖猶漢地。輸布盡蠻家。  
山熱蛇懸樹。江晴鶴浴沙。郡樓回首處。北斗近京華。

寓天界寺

雨過帝城頭。香凝佛界幽。果園春乳雀。花殿午鳴鳩。  
萬履隨鐘集。千燈入鏡流。禪居容旅跡。不覺久淹留。

送前進士夏尚之歸宜春

屬江西袁州府

淒涼庾開府。老去復如何。故國歸鴻少。新朝振鷺多。

菊荒應自歎。麥秀竟誰歌。相送堪愁思。蕭蕭楚水波。

早出鍾山門未開。立候久之

關吏收魚鑰。趨朝阻向晨。忘鳴雞睡熟。倦立馬嘶頻。  
拆靜霜飛堞。鐘來月墮津。可憐同候者。多是未閒人。

雪夜宿翰林院呈危宋二院長

偶伴王摩詰。寒宵宿禁林。院鈴風外靜。宮漏雪中沈。  
絳蠟銷吟燭。青綾擁賜衾。明朝陪賀瑞。銀闕曉光深。

自天界寺移寓鍾山里

移寓鍾山里。開軒見翠微。寺僧違乍遠。鄰父識猶稀。  
愛讀明開牖。防偷固設扉。誰言新舍好。畢竟未如歸。

夜逢故郡賀冬至使胡普二博士同宿  
會宿本無期忻逢兩舊知問年驚別久候曉畏朝遲  
寒澀高城漏陽迴上苑枝明朝使事畢歸騎又天涯

至日夜坐客館

久客漸忘家今宵忽感嗟旅蹤猶泊梗陽氣又吹葭  
巷屋門封雪鄉關路遶沙閨中想逢節也解憶京華

送鮑翰林遷官陝右

鮑頴字尚綱歙人洪武初荐修元史陞翰林修撰  
本為耀州同知

鑿坡初罷直西去惜離羣載筆唐供奉褰帷漢使君  
濁流河驛雨高樹嶽祠雲公暇應懷古登臨賦夕曛

送姚架閣

後漢賈琮為冀州  
傳車垂赤帷蒙琮  
曰刺史當遠視廣  
聽糾察美惡何重  
惟蒙以自掩乎命蒙之

從事從九品

芳晨悵別筵新柳驛亭前客散春城酒人登暮雨船  
江樓先見日郡界遠臨邊到後安民俗應知從事賢

送曾主簿之平樂

廣西平樂府平樂縣

路出桂江東鄉音想未通蛇飛山苦霧鵬運海多風  
木魅長欺客花蠻少學農縣廳何處在椰葉晚陰中

桓簡公廟

桓彝字茂卿譙國人為宣城內史蘇峻攻涇縣彝力守經年城陷死節追贈  
廷尉謚曰簡威安中改贈太常靈惠廟在涇縣西墓在府城北

荒林慘淡中石馬欲嘶風功在山畱碣威存廟挂弓  
飢鴉迎祭客走鼠駭巫童千載宣城道人憐內史忠

送陳則

挾策去誰親侯門不禮賓愁邊長夜雨夢裏少年春

桂江在梧州府城西  
平樂府城東崇山上有  
九峰險不可涉嘗有  
木客形似小兒時去市  
易作善人亦無別八  
雲中文面尤異

白居易詩邊有少  
年春氣味時新到  
夢中來

柳葉生春曰兔耳  
曰鼠耳 人謂兔耳為  
有脚陽春言所至之如  
如陽春煦物

樹引離鄉路。花驕失意人。一杯歌短調。相送欲沾巾。  
暮春送陳郎中出守樵李

出幙方為郡。行車動畫輪。圖書歸省吏。風俗問州人。  
塘水龍鱗細。城槐兔目新。莫言花已盡。君到自陽春。

送楊從事從軍

南風動燕麥。送子悵如何。迢遞戎車役。淒涼橫笛歌。  
天籠平野迥。山繞古關多。莫笑書生怯。能當曳落河。

送王員外遷崇教

典僧官

能書音公子。清宦稱高情。海樹潮帆遠。江風夏服輕。  
官從三省去。僧出萬山迎。誰說簪纓累。名林得按行。

用王羲之尊王員外

吳中送顧生歸海陵

揚州秦縣。隨海陵地。

涼風初變柳。歸興片帆孤。家向三秋到。田經幾歲蕪。  
舊音猶帶楚。新夢未離吳。明日江南北。相思有鴈無。

園中

席煖林中憩。衣涼水上歸。腐瓜蟲食徧。空樹鶴巢稀。  
邂逅幽尋得。參差薄願違。喜無來往者。秋草沒園扉。

送前國子王助教歸臨川

去國獨依依。羈臣淚滿衣。夢中燕月遠。望裏楚山微。  
世變人驚老。身全詔許歸。舟前楓葉落。應到故園扉。

送潘巡檢之閩中

京師到閩海。秋色幾程餘。莎柵山兵守。榕林島戶居。  
曉衙雞應鼓。晚邏騎隨車。清世元無盜。將軍好讀書。

送思上人

名林雖盡廢。南去只隨緣。野飯晨留鉢。城鐘夜到船。  
虎馴應畏法。鳥喚不驚禪。他日期相見。高峰舊塔前。

宴王將軍第

流水通侯第。行雲傍妓臺。雨催牙仗散。風引羽觴來。  
曲學移聲按。詩隨得韻裁。莫令遊宴歇。次第過花開。

送朱從事之吳興

釋褐方從宦。青山故郡鄰。草深湖帶雨。花暗驛藏春。

鼓聚祈蠶女。舟逢射鴨人。幙中應待久。徒此惜離辰。

和友人過采石

山暝斷磯頭。猿聲兩岸愁。柳間娼女酒。月下估人舟。  
擒虎嗟橫渡。騎鯨憶醉遊。停撓正懷古。風急葦花秋。

詭柳

何恨苦長顰。纖姿嫵媚春。慣愁行路客。羞比舞筵人。  
亂葉斜斜雨。狂花袞袞塵。殘蟬來噪日。應落漢潭濱。

無題

顧影出中堂。長眉學內妝。本為戚里婦。不是狹斜娼。  
扇撲園中蝶。箏彈陌上桑。相逢不敢笑。只恐斷君腸。

京師寓廨三首

誰言舊隱非。靜里且相依。綠樹城通苑。青山寺對扉。  
官閒休直早。客久夢還稀。是物春來典。唯存舊賜衣。

其二

幾夜頻聽雨。經春不見花。蘿蕪青渚燕。楊柳白門鴉。  
拙宦危機遠。工吟癖性加。閒坊車馬少。不似住京華。

其三

寂寞過芳時。幽懷只自知。袖無投相刺。篋有寄僧詩。  
鼠跡塵凝帳。蛙聲雨到池。疎慵堪置散。不敢怨名卑。

送舒徵士考禮畢歸四明

寧波府唐四明山在府城西南

寄語關門吏。休輕尚布衣。叔孫聊應召。周黨竟辭歸。  
赤日京塵遠。蒼煙海樹微。送君還自歎。老却故山薇。

陪客登陶丘

相逢俱失意。此地偶同遊。獨樹邀人去。斜陽為客留。  
依邨煙景夕。近水竹聲秋。謾有歸歎歎。何山是故丘。

王公子宅五月菊

天那王君明仲倩猷公之孫也時至正甲辰

秋英忽夏發。宛在阿戎家。細認驚初見。高吟喜共誇。  
不依寒竹雨。欲映午榴霞。我意甘遲暮。尊前有此花。

送周復秀才賦行李中一物得紈扇

不畫乘鸞女。應憐素質新。霜機驚落早。風塵讓揮頻。

雲南永昌軍民府  
占象宇國雲南  
有金蚕能食人腹  
中腸胃復完然而  
去曰蠶蚕養時  
日南郡

漢官儀其年臺廟  
給侍史二人侍史  
二人執香炉香囊  
燒薰復香服

太守西馬二千石以石  
駱為五馬故五馬為  
太守美稱又朝臣去  
為太守六博一馬

石在寺內狀如羊蹄  
葛孔明坐其上以禱  
權計政事操者

席上曾歌怨。窗間或掩顰。何如為君子。遠路障埃塵。

送流人

漢條應。偶觸蠻俗。未能諳海近。風多颶。山昏瘴似嵐。  
行衝哀。旬虎食畏蠱。家蠶鄉國何年返。縣知老日南。  
贈張省郎

漢署早為郎。長遊鳳沼傍。雞知壺水候。馬識火城光。  
每載趨曹筆。時熏直省香。邊書無一羽。冠蓋得翱翔。  
送瀚公住靈巖

離宮遊路絕。名寺道場開。我昔題詩去。師今說法來。  
茱萸垂澗戶。菡萏發池臺。興壞俱空幻。登臨不用哀。

送宿衛將出守鄧州

屬南陽府

中郎身領仗。宿衛在承明。舊射雙鵬落。新乘五馬行。  
紅雲遙魏闕。白水近穰城。好勸諸年少。春來賣劔耕。

甘露寺

在鎮江府北固山上內有吳武帝書天下第一江山

勝地江山壯。名林歲月遙。剎藏京口樹。鐘送海門潮。  
月黑龍光發。天清蜃氣銷。何當尋狠石。閒坐話前朝。  
送張羽後夜坐西齋

閒齋聽鐘坐。憂緒悵多端。鳴鴈雨中急。離人江上寒。  
秋燈下木葉。夜艇隔風湍。別後情蕭索。方知舊會歡。

徐山人別墅

茶香孤墅發。竹色四鄰分。掃地侵蟲字。開窗散鳥羣。  
樹涼池過雨。苔潤石生雲。我出無車馬。偏宜訪隱君。  
客館秋懷

獨卧愁空館。牆陰野豆開。暑將潮氣斂。秋與竹聲來。  
身賤多違志。時清少棄才。慙非張仲蔚。門戶有蒿萊。

秋夜宿周記室草堂送王才

相別還相戀。秋宵暫對牀。人情貧後見。客况醉中忘。  
池柳疎含吹。江雲薄護霜。離舟待明發。愁思劇茫茫。

江上雨

冥冥衆樹昏。浩浩一江渾。急有迴風韻。輕無入霧痕。

鳥啼叢竹嶺。人卧落花邨。門巷春泥滑。誰來共酒尊。

送賈二進士歸省

年少擅詞華。曾看手八叉。晨裝歸路雨。春酒別筵花。  
馬帶雲過嶺。人同燕到家。罷官趨覲好。不是謫長沙。

贈演師

石橋尋禮罷。歸住白雲層。法悟經慵讀。年衰塔倦登。  
青苔生砌錫。黃葉翳龕燈。我欲相依老。前身恐是僧。

送錢氏兩甥度嶺

吏送投荒去。應歸下瀨營。一家十口散。萬里兩身行。  
洞獠欺商市。山魃喚客名。江邊南望泣。不盡渭陽情。

張平遠馬士

天台山橫溪水  
陰前有石橋徑  
不盈寸長如丈  
下臨絕澗

西南台白嶽山精  
形如兕獨足向後  
夜喜犯人名曰魃  
則不能祀也



送客歸闕省觀

秋城聞暮砧。歸思忽盈襟。客久依人遍。親衰念子深。  
青山多嶺路。紅荔到鄉林。菽水還堪樂。何須季子金。

圓明佛舍訪呂山人

寺在吳江縣廿三都

憐君不出院。結夏與僧同。陰竹行廊遠。香花掩殿空。  
飯分齋鉢裏。書寄藏函中。茶宴歸來晚。西林一磬風。  
荅宋人廉夜飲王氏池亭見懷

遙聞池上酌。涼夜失炎天。酒碧傾當竹。衣香坐近蓮。  
浴波人弄月。翻樹鳥鳴煙。座上誰相憶。惟應是惠連。

賦得蟬送別

疎槐細柳中。涼占一枝風。蛻出形猶弱。驚飛響未終。  
雨來林館靜。日下驛門空。離管尊前發。淒涼調正同。

何隱君小墅

移家營別墅。一逕竹扉開。泉滿疏渠放。花多借地栽。  
屏間田器挂。窗裏浦帆來。自戀幽居樂。誰言是棄材。

贈張明府

聞道彈琴處。門前柳帶沙。海珍通估市。湖稅減漁家。  
暮港迷荷葉。秋田間豆花。亂來無此地。君政亦堪誇。

送唐博士肅移家樵李

肅字處敬。會稽人。至正己亥。中江浙鄉試。授黃岡書院山長。轉嘉興儒學。正洪武初。召修禮樂。擢翰林。以失朝諫。

楊柳發初齊。春陰廢苑西。故人乘醉別。新鳥傍愁啼。

四月十五日天下僧  
尼就神約挂塔禮之  
結夏白居易文集  
一本在廬山東林寺  
經藏院一本在蘇州  
府南禪寺經藏內  
錢起字仲文與趙  
蒼為茶宴又堂通  
長孫宅與朗上人作茶  
會

舟重全家去。詩多一路題。杏花開北郭。誰復共招提。

贈妓

樂籍小名收。侯家舊主謳。笑能撩客喜。醉肯逐人留。  
蝶識薰香氣。鶯慙度曲喉。更憐諳酒令。少日住揚州。

送顧侔之錢塘

之官即勝遊。送別漫多愁。草色荒宮燕。槐陰遠驛驄。  
湖通朝汲井。潮動夜眠樓。早向臨平過。荷花已欲秋。

荅高廉同飲後見寄

竹林清暑宴。客散獨歸時。愁寄歡餘別。醒慙醉後詩。  
蟬催斜景急。鳥度廣川遲。何事聞鐘處。勞君尚遠思。

沈徵士鉉野亭

清時猶在野。獨卧見高情。移艇聞煙唱。鉤簾看雨耕。  
江晴雙鶴下。樹晚一牛鳴。回首徒相憶。柴車不入城。

題醫師王隱君墓表後

孤舟別楚水。客鬢已蒼蒼。竟賦招魂些。虛傳續命方。  
悲風拾隴小。積雨藥園荒。生滅雖能悟。看碑亦感傷。

贈朱山人

老來嫌衆累。依澗獨開房。積雨苔生桁。迴風葉滿牀。  
學僧持淨律。避客錄奇方。若問塵中事。無聞不是忘。

谿上

一作查家湯。在嘉善縣北多藕花。

高士何然。研學履東。紫車。

秋色共谿長。遊人語笑涼。萍開天倒影。蓮墮水流香。魚鬻和星漉。禽且帶雨張。從今搖桂棹。不必問瀟湘。

次韻楊儀曹雨中

唐武德三年改儀曹郎曰禮部郎中

雨中池閣曉。清簟薦文漪。陰恐晴期遠。寒疑暑候遲。荷高擎欲折。柳重舞難欹。應阻陪高詠。開簾看散絲。寄錢塘諸故人

年少客名都。狂遊每共呼。荷深箏在舫。竹靜矢鳴壺。明月潮千里。殘陽雨半湖。故人能念否。歡意近來無。送烏程馮明府

青山若下南。一騎入晴嵐。縣治琴聲古。泉香酒味甘。

湖州長興有上若王若水

竹欄春護鴨。葦箔夏分蠶。大小馮君後。傳家爾最堪。喜了上人見過

馮野王奉世子也為西河上郡立為西河郡皆有治政民呼之為大小馮君

幾時西澗別。忽喜過家園。澹泊林間供。虛空世外言。豆花零晚架。瓜蔓絡秋垣。莫厭頻相過。衡門久息喧。

病目

閉目洗黃連。深窗坐兀然。未忘聽鳥興。暫絕看花緣。問女知檐日。嗔奴畏竈煙。願因無見處。得證定心禪。

病目不飲

患目未全明。醫教謝麴生。暫從彭澤止。恐學左丘盲。鉞下蘭尊掩。林間藥臼鳴。坐聽連日雨。何物慰閒情。

葉法善名之真觀有貴客滿座又有人叩門自稱麴生秀生傲視真法善以劍揮之隨手喪元陸子階下坐客驚視乃有酒瓶因呼酒為麴生

賦得蟹送人之官

吐沫亂珠流。無腸豈識愁。香宜橙實晚。肥過稻花秋。  
出籩來深浦。隨燈聚遠洲。郡齋初退食。可怕有監州。

江上早發

蒼蒼汀霧起。何處望高城。游子曉初發。居人寒未耕。  
犬鳴林月落。魚躍浦風生。已有先行者。煙中聞棹聲。

客舍喜姪庸至

客裏逢人喜。相過况阿宜。遠游驚歲晚。多難惜門衰。  
帆落江橋近。鐘來野店遲。一杯燈下語。渾似在家時。

哭周記室

萬里一羈臣。悲歌楚水春。漫期重會面。竟作永傷神。  
主祭唯孤姪。收詩有故人。獨揮聞笛淚。斜日下西鄰。

過永定廢寺

寺在吳江縣荒浦村

亂後僧何去。門閒落葉時。晝昏秋蠹老。齋斷午禽飢。  
罷說傳心法。猶看賜額碑。不知興壞理。來此豈無悲。

楓橋送丁鳳

紅葉寺前橋。停君晚去橈。醉應忘世難。歸不計程遙。  
山隱初沉日。風催欲上潮。離魂來此處。還似灞陵銷。

盜發漢侍中許敬墓

在宜興

古墓覓誰穿。虛傳錮最堅。玉魚宵已出。石獸曉猶眠。

通判雲和州事權云我  
是即監餘杭錢昆澤  
嘗求補外欲得有鱗魚  
監州書

杜牧在字阿宜

長夜俄看日。幽臺不掩泉。須知摸金者。亦到漢陵前。  
過海昌贈李侯

閒廳晝下簾。秋色滿疎髯。久戍殘兵老。多貧長吏廉。  
陰風潮動郭。晴日地生鹽。三老相逢說。年來戶牖添。  
送易從事祖飲南渚

疎楊映老荷。別處最秋多。送客年年路。愁人日日波。  
霞明添醉色。風急斷離歌。莫爲官程促。青山易看過。

題張靜居畫

楚客寫荆岑。秋雲隔浦陰。人家連橘塢。水廟映楓林。  
亂後清遊歇。愁邊遠色深。相看休向晚。怕有峽猿吟。

夜懷王校書

燈暗獨吟餘。疎桐月滿除。蟲寒初入戶。鼠餓欲侵書。  
河漢三更望。江湖兩地居。相思無去夢。今夜恨何如。

荅陳則見寄

何由慰遠思。獨詠寄來詩。行路方難日。清秋欲盡時。  
江多驚鴈火。樹少宿烏枝。早晚如相見。應憐有鬢絲。

煮藥

葉燥井泉清。山窗藥在鐺。燈前看火候。枕上聽潮聲。  
味熟吟方就。香來病已輕。何時采芝朮。養得羽翰成。

夜投西寺

江月上秋衣。來敲遠寺扉。栖禽驚客至。睡僕訝僧歸。  
鐘度行廊盡。燈留浴院微。非無招旅館。禪寂願相依。

送石明府之崑山

茂苑行春罷。攜琴又向東。潮聲數里外。山色半城中。  
帆帶桃花雨。衣翻柳葉風。島夷聞善政。爲有舶船通。

過城西廢塢

亂前遊最熟。亂後問都迷。園散栽花戶。林荒采菊蹊。  
廢泉流圃淺。斜日下城低。唯有煙中鳥。迎人似舊啼。

送范架閣赴嘉禾兼簡李使君

陸相祠前路。孤舟欲上時。空江難晚別。荒郡易秋悲。

月送潮生早。雲隨鴈去遲。幙中知有子。太守只題詩。

喜呂山人見過江館

非君憐夙契。誰肯顧柴門。日短清江路。風高大樹村。  
交呈新著稿。同發舊藏尊。莫便尋歸棹。心懷未盡論。

贈鄰友

同居一塢中。只隔水西東。林近書燈露。溪迴酒舫通。  
放息長合隊。移竹每分叢。只恐君徵起。難期作兩翁。

雨中就陳卿飲酒醉歸聞丁二卧病客樓酌

慰之

我醉聽歌後。君愁卧病中。山雲秋郭暗。江雨夜樓空。

唐球隱居蜀之味法為  
詩拙豪為圓納大瓢中  
臨沒投瓢于江曰斯文  
苟不沉沒後者方不為  
若心耳至新渠有識  
者曰唐人瓢也

短燭知頻剪。清樽恨不同。題詩非撒手。那得愈頭風。

送醫士宋君之江上

詩瓢與藥囊。此去即行裝。跡隱名猶在。文親意未忘。剔芸繙舊帙。嘗草識新方。春水孤舟起。還來問竹房。

屏居

飲水依道者。心清無眾喧。幽花落半樹。疎雨過荒園。看山易云夕。尋澗偶窮源。欲喻靜中趣。居然忘我言。

立秋日

碧天收夏色。節氣變清商。暑自今宵伏。風從此日涼。金莖初有露。玉氣未成霜。暝日并淒雨。潛催草木黃。

效唐人贈邊將

翩翩越騎將。負勇出山西。射虜誇猿臂。封侯賭馬蹄。候烽河外暗。伏幟草中低。欲雪憑陵恥。須禽左谷蠡。

送董湖州

五馬貴專城。花兼赤綬明。政條民乍識。賦籍吏初呈。山籠輸茶至。溪船摘芡行。非將茗雪水。誰比使君清。

晚次西陵館

匹馬倦嘶風。蕭蕭逐轉蓬。地經兵亂後。歲盡客愁中。晚渡隨潮急。寒山舊驛空。可憐今夜月。相照宿江東。

送顧別駕之邊郡

諸侯未綬四垂

後漢越騎校尉心二  
于石秦漢以來山東去  
相山西去將  
左右谷蠡王內奴官名

故人雖盡別。相去獨君賒。緣路雲千埃。臨邊樹一家。  
渡江船載馬。到館燭驚鴉。莫歎孤城廢。春來尚有花。

送僧恬歸靈隱

遊方應未久。柳色變新年。在路逢春雪。還山訪冷泉。  
鐘催投寺錫。燈照泊江船。法意休多問。無言即是禪。

江上寄王校書行

寥落舊歡違。江邊獨掩扉。鄰家聞暮笛。客舍試春衣。  
宿鳥歸山亂。行人渡水稀。相思比花絮。斜日繞城飛。

送越將罷鎮

楚客佩吳鴻。臨邊最有功。雍讀書圍儒鉅裏賭酒射堂中。將

旆出莎城雨。笳吹柳浦風。越人相感意。應與暮潮東。

送王稹赴大都

至正庚子作

王郎歌莫哀。且酌姑蘇臺。獨客自傷別。諸侯誰愛才。  
關河千里去。宮闕五門開。未肯輕齊虜。新從下土來。

送孫主簿之德清

孫善琴

山水匝秋城。君行思已清。道逢迎吏拜。田雜戍人耕。  
地遠知邊事。家貧稱縣名。應攜一琴去。相和長官鳴。

留別李侯

梅發津亭北。春隨使節廻。線多遊子服。酒滿故人杯。  
鍾送橫江雨。車盤出峽雷。平生感知已。臨別更徘徊。



寄熹公

禪居紫閣陰。欲去問安心。野岸隨流曲。山門隱樹深。千燈燃雨塔。一磬出風林。想見跏趺處。雲多不可尋。

送王才歸錢塘

南歸猶落魄。北上已蹉跎。草草官亭酒。勞勞客路歌。親知今日少。山水故鄉多。七首空畱在。酬恩竟若何。

送長洲周丞陞吳縣令

青山隔苑橋。改邑去非遙。官食新添俸。民傳舊布條。稻花迎午放。荷葉待秋凋。寂寞長洲路。空聞五袴謠。冬至夜喜逢徐七

君來同客館。把酒夜相看。動是經年別。能辭盡夕歡。雪明窗促曙。陽復座銷寒。世路今如此。懸知後會難。

送史丞之海門史淮東

黃茅連霧雨。此地久荒涼。日出嶠夷邇。江通渤海長。改官非謫宦。到邑是還鄉。海上遙聞說。歸人已裹糧。

夜雨

砌冷一蛩急。窗虛諸葉稀。蕭條風雨夜。幽卧掩牀幃。鄰杵聽初歇。齋燈看尚微。忽憂歲暮事。聊食故山薇。師山周君客濠上。思歸未得因畫舊隱圖求。

余賦詩

師山吳縣十都村名

幾年畱客舍。千里念家山。得向圖中見。猶勝夢裏還。  
菊畦經雨廢。薜屋帶雲關。楚奏無窮意。相忘賴此間。

微恙江館夜作

寒燈坐江館。愁逼歲闌珊。苦恨應催老。微疴似忌閒。  
雞前星列屋。鴈外月臨灣。明日將求藥。身猶懶入關。

逢李止冰道人

吹簫月滿舟。何處昔頻遊。后土瓊花觀。仙人黃鶴樓。  
別來應未老。道在復何求。相見俄還去。江城楓葉秋。

冬至夜雨感懷

節序關何事。徒令百感生。升沉當世事。存歿故人情。

寒壯微陽氣。風疎緩漏聲。他年說今夜。聽雨宿南城。

過戴居士宅

江邊戴顓宅。地好愜幽尋。高樹藏卑屋。新篁補舊林。  
鳥成畱客語。雲作護花陰。不負滄洲約。重來論夙心。

歸鴉

啞啞噪夕暉。爭宿不爭飛。未逐冥鴻去。長先野鶴歸。  
荒村流水遠。古戍淡煙微。借問寒林樹。何技最可依。

晚坐南齋寫懷

鴈過南齋暮。魂消默坐中。賤貧長作客。愁病欲成翁。  
窗灑侵燈雨。庭翻走葉風。山妻猶解事。未遣酒樽空。

顓安道之子宅在嵯峨  
剡山下乃知趙亦簞  
徒居天下士人共為築  
室壘石栽花辟逆琴  
尊造訪者無虛日

其二

歲景看垂暮。羈踪歎屢遷。有身能去俗。無術但論天。  
菊老江城酒。牀寒客舍氊。愁中還一笑。兒女滿燈前。

廿四日雨中夜坐

不興貧後歎。每動醉中吟。涉難知天意。居閒長道心。  
鴈聲隨雨到。鬢色與年侵。獨想平生事。蕭然坐夜深。

其二

身退惟宜靜。謀疎且任真。樓空三日雨。書亂一牀塵。  
丘隴多良友。江湖獨放臣。莫嗟年景暮。轉眼是新春。

書曹谷才世訓詩後為其子季常作

曹參丞相

綠野高人第。清門舊相家。篇章存月露。翰墨走龍蛇。  
作戒言惟切。詒謀歲已賒。過庭雖有訓。得與共傳誇。

題畫為僧賦

行負貝多書。青山別舊廬。亂尋安土避。貧借破菴居。  
吟苦非愁裏。禪癯似病餘。思歸休看畫。來去盡空虛。

題華氏瑞檜圖

誰指牛眠處。江山地最靈。氣鍾孤檜碧。祥表五芝青。  
影動春雲亂。香敷曉露零。知君家種德。曾讀墓前銘。

樵

山中朝佩斧。遠路入煙蘿。伐木驚禽起。穿雲畏虎過。

元實然字子君唐平肥鄉人母死南走渡河依母党天氏醫者王翁娶以女使業醫過名醫授以銅人針法走德安孝感令謝憲子以伊洛性理之書授之北歸大名与姚杞許衡講習至忘寢食世祖即位召拜翰林侍講學士後累贈太師封魏國公諡文正銅人謂之狀

石根供倦憩谷口應高歌莫看仙人奕歸來恐爛柯

自誇黃犢健登壠共揮鞭笛弄將斜日蓑披欲斷煙歸鴉流水外疎樹舊莊前應笑侯門客騎驢走歲年

賦得銅人贈醫士

舊鑄明堂像新圖太史書體成金冶內穴試石砭餘摩狄年空老求仙事亦虛君懷濟人意為此竟何如

夏景園廬

門掩一齋空幽懷獨坐中本同趨府客偶似灌園翁魚闖萍溪雨蟬嘶柳巷風未須論夙志聊復去樊籠

寄題崇明學宮天水面軒

夜氣虛明際齋宮息衆喧詠餘風度瑟坐久月當軒雲盡無畱意池清有活源心知此時意欲論竟何言

送柔上人得船字

叢林初結夏東去又飄然罷說天台講行參雪竇禪殘經松下几遠磬月中船不用空悲別師今絕妄緣

中秋琵琶洲宴集得紅字

香霧夕蒙蒙孤高桂樹東影疎林際月涼近水邊風重露流盃綠繁星亂燭紅明年江海上高會與誰同

悼女

天台縣北國清寺隋楊帝為智顛禪師建雪竇山在明州常通禪師州人出家長沙岑和尚後居雪竇

有琵琶亭在通判旧治西水清洲可醉

保○養○常○多○闕○艱○難○愧○我○貧○悽○悽○臨○歿○語○的○的○在○生○親○  
遺○佩○寒○江○月○殘○燈○夜○室○塵○中○郎○他○日○藁○畱○付○與○何○人○

亂後經婁江舊館

此○地○昔○相○依○重○來○事○已○非○新○年○芳○草○遍○舊○里○熟○人○稀○  
遠○燕○皆○巢○樹○閒○花○自○落○磯○遺○蹤○竟○難○覓○愁○步○夕○陽○歸○

悼故顧宜人

避○亂○應○千○里○悲○離○復○幾○年○塵○埃○初○嫁○鏡○雨○雪○未○歸○船○  
有○子○隨○行○旄○無○人○與○葬○錢○束○芻○何○處○平○衰○草○暮○江○邊○

過劉山人園

欲○問○幽○棲○處○花○蹊○逐○澗○迴○夕○煙○羅○幙○卷○春○雨○藥○房○開○

與葬錢耶元報少  
時事也

野○鶴○知○琴○意○山○蜂○給○酒○材○城○中○少○閒○客○誰○解○引○車○來○

次韻楊禮曹移疾之作

養○疾○深○扉○掩○還○應○謝○俗○交○鳥○多○風○和○語○葵○晚○雨○絨○芭○  
印○向○閒○廳○鎖○鐘○聞○近○寺○敲○相○思○愁○莫○遏○高○樹○古○城○坳○

送周履道入郭

離○羣○方○感○愴○况○復○與○君○違○花○隱○歸○城○旆○風○吹○渡○水○衣○  
須○知○喧○寂○異○莫○訝○往○來○稀○今○夜○空○齋○雨○誰○隣○獨○掩○扉○

雨齋獨坐寫寄友

動○與○世○相○妨○端○居○學○坐○忘○雨○來○池○上○樹○煙○起○竹○間○房○  
屋○鳥○非○晴○弄○闌○花○是○晚○芳○尋○山○期○已○阻○遙○望○奈○蒼○蒼○

次韻酬西園公

休驚綠樹鼠。池響食萍魚。月戶雙砧落。風亭一簞舒。  
體便清夏健。髮映早秋疎。本自無愁事。何煩酒破除。  
聞鄰家琵琶有感

清唱合琵琶。當年碧玉家。弄殘催酒急。抱重向燈斜。  
久別愁江樹。重聽隔院花。淚多思舊事。不是客天涯。  
書王生扇

素質粉藤光。蒲葵詎可方。當懷驚抱月。灑面怯沾霜。  
宜助驅蠅用。羞隨走馬狂。過時甘自棄。不怨井梧黃。  
送胡鉉遊會稽

張敬為京兆時罷朝  
走馬章其街自以便  
而指馬便而扇也

山水獨行遍。茗溪仍剡溪。衣逢新火減。舟渡雜花迷。  
黃絹尋碑讀。紅裙賭墅攜。清遊不能共。腸斷聽猿啼。

送陳少府赴嘉定

雨歇桑陰路。爭迎紺幟車。湖多田水滿。城小井煙疎。  
夜戶猶聞犬。春濤欲上魚。期君布新政。去卜海濱居。

隋志：轅車三品以上青轅  
朱表五品以下紺轅  
現皆白銅製

報恩寺逢蔣主簿就送還如臯寺在城北陳俗呼北寺有學園  
九級如身屬揚州

貪語酒寒頻。新年見故人。別時煙寺晚。歸路雪江春。  
造次燈前面。蒼茫船上身。明朝楚花發。莫歎縣廚貧。

贈姚東曹

爐氣拂春衣。分曹直省闈。相門旌節重。郎舍簡書稀。

夜直聽鐘度。晨朝策馬飛。共憐王掾少。粉署有光輝。

鍾山雲霽圖

山勢識龍蟠。香臺擁翠巒。草堂猿嘯晚。蕙帳鶴驚寒。

白蓮寺池上

竹動鳥驚夢。草涼蟲語悲。閒齋一瓢酒。應不負幽期。

Small handwritten marks or characters in the top left corner of the left page.



Faint, illegible text or markings on the right page, possibly bleed-through from the reverse side or very light handwriting.



